

ଯାକୁବଙ୍କ ଲିଖିତ ପତ୍ର ଜାକୁବ ରାସ୍ତିମାନି ଆକୁ ଜାକୁବ ରାସ୍ତିମାନି ଆକୁ ବିସୟତାନ୍

ଜାକୁବ ଆକୁ ଜାକୁବ ଦରତାନ୍ କୁକାୟଆଜିମାନି ଅରେନ୍ ଲୋକ୍ତି ମାଣାନ୍ ରାସାତାମାନାତ୍; ଇୟା ଜାକୁବ ଆନାତ୍ମାନାତ୍ ଜିସୁକ୍ରିସ୍ତଦି ତଡାନ୍ ମାର୍ହାନ୍, ଏନ୍ କି ଆଗ୍ତିରି ମଣ୍ଡଲିଦି ଅରେନ୍ନେତା ନି ଜିରୁସାଲାମ୍ କୁଟୁମ୍ତି ମେମର୍ ମାର୍ହାନ୍ ପ୍ରେରିତ ୧୫:୧୩ ପେରିତ ପାଉଲ ବା ଜାକୁବଦିଙ୍ ମଣ୍ଡଲିଦି ମୁଣ୍ଡା ଇଜି କୁକ୍ନାନ୍ ଗାଲାତିୟ ୨:୯ ଜାକୁବ ଆକୁ ଜିସୁକ୍ରିସ୍ତଦି ଜନମ୍ତି ୫୦ ବାର୍ସେକ୍ ରାସାତାମାନାତ୍ ଇଜି ବାଇବଲ ପଣ୍ଡିତ୍ ବିସ୍ବାସ୍ କିନାଟ୍ । ଜାକୁବ ଜିରୁସାଲାମ୍ତି ନେତା ମାର୍ହାନ୍ ଆଦେଙ୍ ଆନାତ୍ମାନାତ୍ ଆବେ ବାସାନିଞ୍ଜାଲେ ଖାନ୍ ଇୟା ଆକୁ ରାସ୍ତା ମାର୍ହାନ୍ ।

ଜାକୁବ ଦେସ୍ତୁ ଇନିଙ୍ ଆନିଙ୍ ଆତିମାନି ବାର କୁଟୁମ୍ତି ଖାରିଙ୍ ଖାନି ଆକୁ ଖେର୍ସିନାନ୍ ଜାକୁବ ୧:୧ । ଆନାତ୍ ଜାକୁବ ଆକୁଦି ଟିକ୍ ମାଟା ଖିଜେରେ କ୍ରିଷ୍ଟାନକା ଉଣ୍ଡିଙ୍ ଆନାତ୍, ମାତର୍ ବାର କୁଟୁମ୍ ଅବିସ୍ବାସ୍ତାନ୍ କିତିମାନି ମାଟା ଆନାତ୍ ଜାକୁବ ସିଦାଦାନ୍ ଜିହୁଦି କ୍ରିଷ୍ଟାନକାଙ୍ ରାସ୍ତା ମାର୍ହାନ୍ । ଇରିଙ୍ ଇୟା ଆକୁ ଖେର୍ସି ମାନି ପଡାନିଞ୍ଜାରି ବିସୟତାନ୍ ସାରି ତରନାତ୍ । ଜାକୁବ, ବିସ୍ବାସ୍ ମାରି ପାଣିଦି ପୁରା କିନି ବିସୟତାନ୍ ଇନାନ୍ ଜେ ସଡ୍ ବିସ୍ବାସ୍ ପାଣିଦୁ ତରନାତ୍ ଜାକୁବ ୨:୧୭ । ଖାନ୍ ମାଜନ୍ତି ଲୋକା ଉଣ୍ଡିଙ୍ ମକମ୍ସୁଡ୍ଜିପାଣି କିନିଞ୍ଜାରି ବିସୟତାନ୍ ଜାଗାତ୍ତା କିନାନ୍ ୨:୧-୪ ମନ୍ତୁ ଇଡ୍ଜି ମାଟା ଖାରିଗିନି ବିସୟତାନ୍ ବା ଜାଗାତ୍ତା ଆଦେଙ୍ ଖେର୍ନାନ୍ ୩:୧-୧୨ ।

ଇୟା ଆକୁବୁ ମାନି ମୁକିୟ ବିସୟ

୧. ଜାକୁବ ଖାନି ପଡାନିଞ୍ଜାରିଙ୍ ମାଡିସ୍ କିଜିନାନ୍ । ୧:୧

୨. ୱାନ୍ କ୍ରିଷ୍ଟାନ୍ ଲୋକାଙ୍ଗ ଦୁକ୍ତିଝାଲେ ତାଟ୍ତାନ୍ ମାନ୍ତ୍ରେଙ୍ଗ ସାହାସ୍ ସିନାନ୍ । ୧:୨-୨୭
୩. ପାଣି ଦାନ୍ ଏଣ୍ଡେସ୍ ବିସ୍ବାସ୍ ତରନିକା ଦରକାର୍ ଆୟା ବିସୟତାନ୍ ଇନାନ୍ । ୨:୧-୨୭
୪. ବାକ୍ୟ ଏଣ୍ଡେସ୍ ସାକ୍ତି ଆନାଡ୍ ଆକା ୱାନ୍ ୱେରତାମାନାନ୍ । ୩:୧-୧୨
୫. ଜାକୁବ ମାପୁରୁଦି ବୁଦି ଦୁନିଆଦି ବୁଦିଦାନ୍ ୱେରଏ ଆନାଡ୍ ଆକା ୱେରନାନ୍ । ୩:୧୩-୪:୧୦
୬. ୱେନ୍‌କା ୱାନ୍ ପଡ଼ାନିଝାରିଙ୍ଗ୍ ଟାର୍ବ କିଇ ଉଣ୍ଡିଙ୍ଗ୍ ଜାଗାର୍ତା କିନାନ୍ । ୪:୧୧-୫:୬
୭. ସାରାସାରି ଜାକୁବ ଏସ୍ ନେଗିମାଟେଙ୍ଗ୍ ଆଦେସ୍ ସିଜି ୱାନି ରାସନିକା ଝିସ୍ନାନ୍ ୫:୭-୨୦

୧ ✧ ସାରା ଦୁନିଆଦୁ ଇନଙ୍ଗ୍‌ଆନିଙ୍ଗ୍ ଆତିମାନି ମାପୁରୁଦି ବାର କୁରୁମ୍ତି ଲୋକାଙ୍ଗ ମାପୁରୁଦି ମାରି ପ୍ରବୁ ଜିସୁ କ୍ରିସ୍ତଦି ଦାସ୍ ଜାକୁବ ମାଡ଼ିସ୍‌କିନିକା ଜାଣେକିଜି ଇୟା ଆକୁ ରାସ୍‌ସିନାନ୍ ।

ବିସ୍ବାସ୍ ମାରି ବୁଦି

୨ ଏ ନା ତଡ଼ାନ୍‌କୁ ନି ତାଙ୍ଗ୍‌କି, ମିର୍ ଜିନି ସାରିଦୁ ଦୁଃକ୍‌କାସୁ ଝାଡ଼ିଙ୍ଗ୍‌ବା, ଆକା ନିଜେଦିବାଗ୍ୟ ଇଜି ଅଡ଼ବିଦୁ ।

୩ ଇରିଙ୍ଗ୍ ମିର୍ ନେସ୍‌ନିଦେର୍, ଇୟାଝାଜା ଦୁଃକ୍‌କାସୁଦି ପରିକା ଜିଣାନିକା ସାମନା ଆନି ୱାଲେ ବିସ୍ବାସ୍ ତାଟ୍ ତେବାତିଙ୍ଗ୍, ସାସ୍‌ଆସନି ସାକ୍ତି ପିରନାଡ୍ ।

୪ ମିର୍ ୱେନ୍‌କା ସାନ୍ଦି ସାସ୍ ଆସ୍‌ସି ତେବାତିଙ୍ଗ୍, ଇନି ବିସୟତୁ ଉଣା ଆଏଣ୍‌ଗା ପୁରା ନି ପୁରାପୁରିବତ୍ ଆନାଡ୍ ।

୫ ମାତର୍ ମି ଲୋଇରାନ୍ ଆମାଝାନିଙ୍ଗ୍ ଜଦି ବୁଦି ଉଣାମାନାଡ୍, ୱାନ୍ ମାପୁରୁଦି ଲାକ୍‌ତୁ ପାର୍ତାନା କିପିନ୍, ଆରତିଙ୍ଗ୍ ମାପୁରୁ ୱାନିଙ୍ଗ୍ ବୁଦି ସିନାନ୍, ଇରିଙ୍ଗ୍ ମାପୁରୁ ଦୋସ୍‌ଆସ୍‌ଏଣ୍‌ଗା ମାରି ଲବ୍ରାଆଇ ମୋନ୍‌ତାନ୍ ଝିଜେରିଙ୍ଗ୍ ଦାନ୍ କିନାନ୍ ।

✧ ୧:୧ ମାତିଉ ୧୩:୫୫; ମାର୍କ ୬:୩; ପ୍ରେରିତ ୧୫:୧୩; ଗାଲାତିୟ ୧:୧୯.

୬ ମାତର ପାର୍ତ୍ତନା କିନିଝାଲେ ମୁଡ଼କେ ଅଡ଼ବିଏଶଗା ବିସ୍ବାସତାନ୍ ପାର୍ତ୍ତନା କିପିନ୍ । ଏନ୍ ଆନ୍ମାନ କିନାନ୍, ଝାନ୍ ଗାଲିଦୁ ମିସାଜି ତିର ତେବାଇ ସାମ୍ବୁରତି ଲଡ଼ି ଏରୁ ଝାଜା ।

୭ ଆୟାଝାଜା ଲୋକ ପ୍ରବୁଦିମାଣୁକୁ ଇନିକା ପୟନା ଇଜି ଏଡ଼କିମାକିନ୍,

୮ ଝାନ୍ ରିୟାଙ୍ଗମୋନ୍ତି ଲୋକ, ନିଜେଦି ଝିଜୁ ବୁଲାନିମାନୁ ତିରସିଲେଡ଼ ।

ମାଜନ୍ ମାରି ସିଲିଲୋକ୍

୯ ସିଲିସାତିଅବସ୍ଥାଦାନ୍ ମାନି କ୍ରିସ୍ତ ବିସ୍ବାସସିଙ୍ଗ୍ ୍^{୧୦} ମୁସକୁପେରାତିଙ୍ଗ୍ ଝେଡ଼ିକା କିପିନ୍ ।

୧୦ ମାରି, କ୍ରିସ୍ତବିସ୍ବାସସି ମାଜନଲୋକ୍ ଝାନି ସିଲିସାତିମାନୁ ଗାର୍ବୁ କିପିନ୍, ଇରିଙ୍ଗ୍ ମାଜନଲୋକ୍ ଲାଗାଦି ପୁଙ୍ଗୁଁ ଝାଜା ରାଲ୍ନାସୋନାନ୍ ।

୧୧ ଝେଡ଼ାଦି ନାଣୁ ତାତିଦାନ୍ ଲାଗା ଝାରନା ସୋନାଡ଼, ତାନି ପୁଙ୍ଗୁଁ ରାଲ୍ନାସୋନାଡ଼ ମାରି ତାନି ସୁନ୍ଦର୍ ନାଷୁ ଆନାଡ଼ । ଆୟାଝାଜା ମାଜନଲୋକ୍ ବା ଝାନି ଝିଜୁ ପାଣିଦାୟା ଲଇ ଅର୍ଲେନ୍ ଝାଙ୍ଗନା ସୋନାନ୍ ।

ପରିକା ପଡ଼େଆନିକା

୧୨ ଆମା ଲୋକ୍ ଦୁଃକ୍‌କାସ୍ତୁ ସାସ୍ କିନାନ୍, ଝାନ୍ ଆସିର୍ବାଦ୍‌ତିକାନ୍; ଇରିଙ୍ଗ୍ ଇୟାଝାଜା ଲୋକ୍ ପରିକାଦୁ ଜିଣାତିଙ୍ଗ୍, ମାପୁରୁ ଝାନି ଲୋକାଙ୍ଗ୍ ଆମା ଜିବନ୍ ସିନାନ୍ ଇଜି ପାର୍ମାଣ୍ କିତାମାନାନ୍, ଝାନ୍ ଆକା ପୁର୍ସ୍ସାର୍ ଝାଜା ପୟନାନ୍ ।

୧୩ ଏନ୍ ଦୁକ୍‌କାସ୍ତୁ ଆର୍ତିଙ୍ଗ୍, ନା ଇୟା ଲାଲ୍‌ୟାଆନିକା ମାପୁରୁମାଣୁକୁ ଆଜିନାଡ଼ ଇଜି ଅଡ଼ବିମାକିନ୍, ମାପୁରୁ ତାଗ୍‌ଇ ବିସୟତାନ୍ ଲାଲାୟ ଆଦେଙ୍ଗ୍ ଆର୍ଏନ୍, ମାରିବା ଝାନ୍ ଏଙ୍ଗ୍‌ବା ଲାଲାୟ ଆଦେଙ୍ଗ୍ ସିଏନ୍ ।

୧୪ ମାତର ଲୋକ୍ ନିଜେଦି ତାଗ୍‌ଇପାଣିଦୁ ତେବାତିଙ୍ଗ୍ ପରିକାଦୁ ଆରନାଡ଼ ।

୧୫ ତାଗ୍‌ଇପାଣିକିନି ଝାନି ପଟାଦାନ୍ ପାପ୍ ଜନମ୍ ଆନାଡ଼ ମାରି ଆୟା ପାପ୍ ନାଣୁନାଣୁଦାନ୍ ପିର୍ଜି ସାନିତାନିଙ୍ଗ୍ ଜନମ୍ ସିନାଡ଼ ।

୧୭ ଏ ନା ଲାଡ଼ତି ତଡ଼ାନ୍‌କୁ ନି ତାଙ୍ଗିକି, ବାୟା ଆମାଟ୍ !

୧୭ ଝିନ୍ତୁ ନେଗି ଦାନ୍ ମାରି ଝିନ୍ତୁଦିଙ୍ଗ ପେରି ଇନାମ୍ ମୁସକୁପୁରୁତି ବୁବାମାଣୁକୁ ଝାନାଡ଼ । ଝାନ୍ ସାରାଦୁନିଆଦି ଝେଡ଼ା, ଲେନ୍ତୁ ନି ସୁକେଙ୍ଗା ତିଆର୍ କିତିକାନ୍ । ଝାନ୍ ନିଡ଼ିଗା ଝାଜା ବାଦ୍‌ଲେଆନିକାନ୍ ଆଏନ୍;

୧୮ ସାରା ଦୁନିଆଦି ଲୋକୁ ମାପ୍ ଏଣ୍ଡେସ୍ ପାରୁତୁମ୍ ବାତି ଅଦିକାର୍ କିନାପ୍, ଇୟାଉଣ୍ଡିଙ୍ଗ ଝାନ୍ ନିଜେଦି ବଦାଦାନ୍ ସଡ଼ ବାକ୍ୟଦାନ୍ ମାଙ୍ଗି ତିଆର୍ କିତାନ୍ ।

ଝେନିକା ମାରି ପାଣି କିନିକା

୧୯ ଏ ନା ଲାଡ଼ତି ତଡ଼ାନ୍‌କୁ ନି ତାଙ୍ଗିକି, ଏଡ଼କିଦୁ । ମିର୍ ଝେନ୍‌ଡେଙ୍ଗ ଦାୟାଆନିକା ମାନାଡ଼, ଝେରଡେଙ୍ଗ ସାନ୍ତି, ରିସା କିଦେଙ୍ଗ ତିର୍ ଆପିଡ଼, ମାତର୍ ଆଗ୍‌ଡ଼ିଝେନ୍‌କା ଅଡ଼ବିଜି ମାଟା ଇନ୍‌ଡୁ

୨୦ ଇରିଙ୍ଗ ଲୋକୁ ରିସାଦାନ୍ ମାପୁରୁଦି ଦାମ୍ ପାଣି ପୟ୍‌ଦେଙ୍ଗ ଆଟ୍‌ଏର୍ ।

୨୧ ମାରି ଝିନ୍ତୁଜାତିଦି ତାଗ୍‌ଇଅବ୍ୟାସ୍ ମାରି ତାଗ୍‌ଇପାଣି ଡିସ୍‌ସି । ମାପୁରୁଦି ଲାକ୍‌ତୁ ନିଜେଦିଙ୍ଗ ସର୍‌ପେ ଆଦୁ ମାରି ମି ଜିବନ୍‌ତୁ ଝାନ୍ ଆମା ବାକ୍ୟ ଉରୁତା ମାନାନ୍ ମାରି ଆମାକା ମିଙ୍ଗି ରକିୟା କିଦେଙ୍ଗ ଆଟ୍‌ନାଡ଼, ତାନିଙ୍ଗ ନେଗେନ୍‌ତାନ୍ ମାନାଦୁ ।

୨୨ ମିର୍ ନିଜେ ନିଜେଦିଙ୍ଗ ବାଣ୍ଡିସ୍‌କିମାଟ୍ । ଝାନି ବାକ୍ୟ କେବଲ ଝେରିଙ୍ଗ ନାଣୁ ଆଏଡ଼ । ତାନିଙ୍ଗ ପାଣିଦୁ ଲାଗେକିଦୁ ।

୨୩ ଆମା ଲୋକ୍ ମାପୁରୁଦି ବାକ୍ୟ କେବଲ ଝେନାନ୍, ମାତର୍ ପାଣିଦୁ ଲାଗେ କିଏନ୍, ଝାନ୍ ଦାର୍‌ପାଣ୍ଡୁ ନିଜେଦି ମକମ୍ ସୁଡ଼ନ୍ ଲୋକୁ ଝାଜା ।

୨୪ ଝାନ୍ ନେଗେନ୍ କିଜି ନିଜେଦି ମକମ୍‌ଡିଙ୍ଗ ସୁଡ଼ନ୍‌ନାନ୍, ମାତର୍ ଆବେଟ୍‌କୁ ସର୍‌ଇ ଝେନ୍‌କା ଝାନି ନିଜେଦି ମକମ୍ ଝାନ୍ ବାଣାନାନ୍ ।

୨୫ ମାତର୍ ଲୋକାଦି ରକିୟା ଉଣ୍ଡିଙ୍ଗ ଉନ୍‌ଡ଼ି ପୁରା ନିୟମ୍ ମାନାଡ଼ । ଏନ୍ ଆକା ଝେନ୍‌ଞ୍ଜି ବାଣାଏନ୍ ମାରି ଝାନି ଉଣ୍ଡିଙ୍ଗ ମେନ୍‌ଲ୍‌ଝିନ୍ତୁଦାନ୍ ମୋନ୍‌ସିଜି ନିଜେଦି ଜିବନ୍‌ତୁ ମାନାତିଙ୍ଗ, ଝାନି ଝିନ୍ତୁ ପାଣିଦିଙ୍ଗ ମାପୁରୁ ଆସିର୍‌ବାଦ୍ କିନାନ୍ ।

୨୭ ଜଦି ଏନ୍ ନିଜେଦିଙ୍ଗ୍ ଦାମ୍ବୁ ଇଜି ଅଡ଼ବିଜିନାନ୍ ? ଝାନ୍ ଜଦି ନିଜେଦି ଝେତଲ୍‌ଡିଙ୍ଗ୍ ତିର କିଏନ୍, ଆଡ଼ତିଙ୍ଗ୍ ଝାନ୍ ଦାମ୍ବୁପାଣିଝିଜୁ ଝାରିକା ମାରି ଝାନ୍ କେବଲ୍ ନିଜେଦିଙ୍ଗ୍ ବାଣ୍ଟିସକିଜିନାନ୍ ।

୨୮ ଆମା ଦାମ୍ବୁପାଣି ବୁବା ମାପୁରୁଦି ଲାକ୍‌ତୁ ନେଗିକା ମାରି ଟିକ୍, ଆକା ଆଜିନାଡ଼ କାକୁତ୍ ମାନି ଚୁରାଲୋକାଙ୍ଗ୍ ମାରି ରାଣ୍ଡିଆଇମେକାଙ୍ଗ୍ ଜାତୁନ୍ କିନିକା ମାରି ଦୁନିଆଦାନ୍ ନିଜେଦିଙ୍ଗ୍ ପାପ୍‌ପାଣିଦାନ୍ ରକିୟା କିନିକା ।

୨

ସାମ୍‌ନାସାମ୍‌ନି ବିସାର୍

୧ ଏ ନା ତଡ଼ାନ୍‌କୁ ନି ତାଙ୍ଗ୍‌କି, ଗୌରବ୍‌ମୟ ପ୍ରବୁ ଜିସୁ କ୍ରିସ୍ତଦିମାନ୍‌ ବିସ୍‌ବାସ୍ କିତିମାନିଙ୍ଗ୍ ମିର୍ ଲୋକା ସାମାନ୍‌ତାନ୍ ଆଡ଼ରେ ଆରାନ୍‌କି ସୁଡ଼ୁ ପେରିକାନ୍ ଇସ୍‌କାନ୍ କିମାଟ୍ ।

୨ ଅଡ଼ବିଦୁ, ମି ମିଟିଙ୍ଗ୍ ଡୁ ଅରେନ୍ ବାଙ୍ଗା‌ରାମ୍‌ତି ଝେତରି ମାରି ନାଣ୍ଡୁଦାରାଦି ଆଙ୍ଗ୍ ଆରାଜି ଝାତାମାନାନ୍ । ମାରି ଅରେନ୍ କାକୁତ୍ ଲୋକ୍ ମାଇତିକା ନି କିଜିତି ଆଙ୍ଗ୍ ଆରାତା ଝାତାମାନାନ୍ ।

୩ ଜଦି ମିର୍ ନାଣ୍ଡୁଦାରାଦି ଆଙ୍ଗ୍ ଆରାତି ଲୋକ୍‌ତିଙ୍ଗ୍ ନାଣ୍ଡୁ ସନ୍‌ମାନ୍ ତରସି ଇନିଦେର୍, “ଇୟା ବାଡ଼ିଦୁ ବାସ୍‌ଆ,” ମାତର୍ କାକୁତ୍ ଲୋକ୍‌ତିଙ୍ଗ୍ ଇନିଦେର୍, “ଆବେନ୍‌ ନିଲ୍‌ଆ, ମାରି ଆଡ଼ଗି ବାସ୍‌ଆ,”

୪ ଆଡ଼ତିଙ୍ଗ୍, ନିଜେ ନିଜେଦି ଲୋଇ ପେରିକାନ୍ ଇସ୍‌କାନ୍ ଝାଜା ତିଆର୍ କିଜିନିଦେର୍ ମାରି ସଡ଼ସିଲିକା ମୋନ୍‌ତୁ ଇଡ଼ଜି ଲୋକା ମକମ୍‌ସୁଡ଼ୁଦେଙ୍ଗ୍ ବିସାର୍ କିଜିନିଦେର୍ ।

୫ ଏ ନା ଲାଡ଼ତି ତଡ଼ାନ୍‌କୁ ନି ତାଙ୍ଗ୍‌କି, ଝେନ୍‌ଡୁ, ମାପୁରୁ ଇନିକା ଇୟା ଦୁନିଆଦି କାକୁତ୍ ଲୋକାଙ୍ଗ୍ ବିସ୍‌ବାସ୍‌ଝାଜା ଦନ୍‌ତୁ ମାଜନ୍ ଆଦେଙ୍ଗ୍ ମାରି ଝାନ୍ ସେବାକିନିଝାରିଙ୍ଗ୍ ଆମା ରାଜି ସିନା ଇଜି ମାଟା ସିତାମାନାନ୍, ଆବେଣି ଅଦିକାର୍ ଆନି ଉଣ୍ଡିଙ୍ଗ୍ ଆସ୍‌କିଏନ୍ ?

୬ ମାତର୍ ମିର୍ ସିଲିସାତିଝାରିଙ୍ଗ୍ ଅସନ୍‌ମାନ୍ କିଜିନିଦେର୍ ! ଆମାକାର୍ ମି ଉଣ୍ଡିଙ୍ଗ୍ ତାଗ୍‌ଇପାଣି କିନାର୍ ମାରି ନ୍ୟାୟକିନି ବାଡ଼ିଦୁ ରେଲ୍‌ଜି ଅନାର୍, ଝାର୍ ଏର୍ ? ଝାର୍ ଆୟା ମାଜନ୍ ଲୋକୁ ।

୭ ଆମା ଜିସୁ କ୍ରିସ୍ତଦି ଦରୁଦାନ୍ ମିର୍ ଝେଙ୍ଗିତି ମାନିଦେର୍, ଝାର ଆୟା ଦରତିଙ୍ଗ ନିନ୍ଦା କିନାର ।

୮ “ମିର୍ ନିଜେଦି ଲାକ୍ତୁରି ଲୋକାଙ୍ଗ ଜିବନ୍ନୋତିଝାଜା ଜିବନ୍ନୋଦୁ,” ଦାର୍ମସାସ୍ତ୍ରୁ ରାସ୍ତିମାନି ମାପୁରୁଦି ରାଜିଦି ଇୟା ନିୟମ୍ ଜଦି ମାନାଜିନିଦେର୍, ଆରତିଙ୍ଗ ମିର୍ ଟିକ୍ ପାଣି କିଜିନିଦେର୍ ।

୯ ମାତର୍ ଜଦି ଆତ୍ରେ ସୁନ୍ଦର୍ ସୁଡ଼ୁଲି ଲୋକା ଉଣ୍ଡିଙ୍ଗ ମକମ୍ସୁଡ଼ୁଲି ବ୍ୟବହାର କିଜିନିଦେର୍, ଆରତିଙ୍ଗ ମିର୍ ପାପ୍ କିଜିନିଦେର୍ ମାରି ନିୟମ୍ତି ଇସାବତାନ୍ ନିନ୍ ଅରେନ୍ ଦସି ଇଜି ପାର୍ମାଣ୍ ଆଜିନି ।

୧୦ ଆମା ଉନ୍ତ୍ରୁ ମାଟା ମାନାଏନ୍, ଝାନ୍ ଝିଜୁ ମାଟାଦିଙ୍ଗ ମାନାଏତିଙ୍ଗ ପାପ୍ ଆଜି ଦଣ୍ଡ ପୟନାନ୍ ।

୧୧ ଇରିଙ୍ଗ ମାପୁରୁ ମାଟା ଝେର୍ତାମାନାନ୍, “ଦାରିପାଣି କିମାଟ୍,” ଆୟା ମାପୁରୁ ମାରି ଉନ୍ତ୍ରୁ ମାଟା ଝେର୍ତାମାନାନ୍; “ଲୋକାଙ୍ଗ ସାୟାମାର୍ଗା ଡାକ୍ମାଟ୍ ।” ମାରି, ମିର୍ ଦାରିପାଣି କିଏତିଙ୍ଗବା, ଜଦି ଲୋକାଙ୍ଗ ସାୟାମାର୍ଗା ଡାକ୍ନିଦେର୍, ଆରତିଙ୍ଗ ନିନ୍ ଅରେନ୍ ନିୟମ୍ ମାନାଈଜି ଦସି ଇଜି ପାର୍ମାଣ୍ ଆଜିନି ।

୧୨ ଆମା ମୁକ୍ତାନି ପାଣିକିନି ନିୟମ୍ତାନ୍ ମିର୍ ବିସାର୍ ଆନିଦେର୍, ଆକା ମି ଝାର୍ଗିଜିମାନୁ ମାରି ପାଣିଦାନ୍ ତରୁତୁ ।

୧୩ ଇରିଙ୍ଗ ଏନ୍ ଆଇଝାନିଙ୍ଗ ଦୟା କିଏନ୍, ମାପୁରୁ ଝାନିଙ୍ଗ ଦୟା କିଏନ୍ । ନ୍ୟାୟ ବିସାର୍ ମୁସ୍ତୁ ଦୟା ନେ ଜିଣାନାଡ଼ ।

ବିସ୍ବାସ୍ ମାରି ପାଣି

୧୪ ଏ ନା ତଡ଼ାନକୁ ନି ତାଙ୍ଗି, ଏନ୍ ଜଦି ଇନାନ୍, ନା ବିସ୍ବାସ୍ ମାନାଡ଼, ମାତର୍ ପାଣିତୁ ଆକା ତରଏନ୍, ଆରତିଙ୍ଗ ଝାନି ମାଟାଦି ଇଜି ଲାବ୍ ମାନାଡ଼ ? ଇୟାଝାଜା ବିସ୍ବାସ୍ ଝାନିଙ୍ଗ ରକିୟା କିଦେଙ୍ଗ ଆର୍ନାଡ଼ ନୋ ?

୧୫ ଜଦି ଅରେନ୍ ତଡ଼ାନ୍ ସିଲିତିଙ୍ଗ ତାଙ୍ଗି ଝାତିଗୟା ନି ଉଣିତିନିକା ଉଣାମାନାଡ଼,

୧୬ ମାରି ମିର୍ ଝାନି ମେନ୍ଦଲ୍ ଦରକାର୍ ପୁରା କିଏଣ୍ଗା ଜଦି ଇନିଦେର୍, ମାପୁରୁ ମିଙ୍ଗି ଆସିର୍ବାଦ୍ କିପିନ୍; ଉଣ୍ଡିଜିତିନ୍ଝି ନେଗେନ୍ତାନ୍ ମାନ୍ତୁ, ମି ମାଟା ବେକାର୍ ଆଏଡ଼ ନୋ ?

୧୭ ବିସ୍ବାସ ଟିକ୍ ଆୟାଞ୍ଜା : ପାଣି ସିଲେତିଙ୍ଗ କେବଲ୍ ବିସ୍ବାସ ସାତିକା ।

୧୮ ମାତର ଏନ୍ ଆରତିଙ୍ଗ ଇନ୍ଦ୍ରେଙ୍ଗ ଆର୍ନାନ୍, “ଅରେନ୍‌ଞ୍ଜାନି ବିସ୍ବାସ ମାନାଡ଼, ଆଇ ଖାନିନ୍ଦି ପାଣି ମାନାଡ଼ ।” ଇୟା ବିସ୍ବାସତାନ୍ ନାନ୍ ଝେରନା, “ପାଣି ସିଲେଶଗା ଏମେଞ୍ଜାନି ବିସ୍ବାସ ମାନ୍ଦ୍ରେଙ୍ଗ ଆର୍ନାଡ଼ ଇଜି ନାଙ୍ଗ୍ ପାରମାଣ୍ ସିଦାଟ୍ । ନାନ୍ ପାଣିଦାନ୍ ନା ବିସ୍ବାସ ମାନାଡ଼ ଇଜି ପାରମାଣ୍ ସିନା ।”

୧୯ ମିର୍ ଇନିକା ବିସ୍ବାସ କିଜିନିଦେର୍ ଜେ, କେବଲ୍ ଅରେନ୍ ମାତର ମାପୁରୁ ମାନାନ୍ ? ନେଗିକା ! ଦୁବେଙ୍ଗ୍ ବା ଇୟାଞ୍ଜା ବିସ୍ବାସ କିନେ ମାରି ତିଲାଜି ତରତର ଆନେ ।

୨୦ ଏ ବୁଦିସିଲିଲୋକ୍ ! ପାଣି ଡିସ୍‌ସି ବିସ୍ବାସ ଜେ ଖାରିକା, ଇୟାତାନି ପାରମାଣ୍ ସୁଡ଼ଦେଙ୍ଗ୍ ମିର୍ ଇନିକା ବଦା କିଜିନିଦେର୍ ?

୨୧ ମା ପୁର୍ବେଦି ବୁବା ଅବ୍ରାହାମ, ମାପୁରୁଦି ଆଗଡ଼ି ଏଣ୍ଡେସ୍ ଦାମ୍ବୁ ଆତା ମାହାନ୍ ? ଖାନ୍ ପାଣିଦାନ୍ ଦାମ୍ବୁ ତରାୟଆତାନ୍, ଏସ୍ତିଞ୍ଜାଲେ ଖାନ୍ ଖାନି ମାରିସିଙ୍ଗ୍ ଇସ୍‌ହାକ୍‌ତିଙ୍ଗ୍ ବେଦି ମୁସ୍କୁ ସିତାନ୍ ।

୨୨ ମିର୍ ଇନିକା ବୁଜାଦେଙ୍ଗ୍ ଆର୍‌ଏଜିନିଦେର୍ ? ଅବ୍ରାହାମଦି ବିସ୍ବାସ, ପାଣିଦୁ ଝେଙ୍ଗ୍‌ତାଡ଼; ପାଣିଦାନ୍ ଖାନି ବିସ୍ବାସ ପୁରା ଆତାଡ଼ ।

୨୩ ଇୟାମାଣୁକୁ ଦାମ୍ବୁସାସ୍ତ୍ରଦି ଇୟା ରାସାତି ବାକ୍ୟ ପୁରା ଆତାଡ଼ : “ଅବ୍ରାହାମ ମାପୁରୁଙ୍ଗ୍ ବିସ୍ବାସ କିତାନ୍ ମାରି ଖାନି ବିସ୍ବାସ ଉଣ୍ଡିଙ୍ଗ୍ ମାପୁରୁଦି ଆଗଡ଼ି ଖାନ୍ ଦାମ୍ବୁ ତରାୟାତାନ୍ ।” ମାରି ଅବ୍ରାହାମ ମାପୁରୁଦି ସଙ୍ଗ୍ ଇଜି ଦରୁ ପଇତାନ୍ ।

୨୪ ମାରି, ମିର୍ ବୁଜାଦେଙ୍ଗ୍ ଆର୍‌ଏଜିନିଦେର୍ ଜେ, ଲୋକୁ ପାଣିଦାନ୍ ଦାମ୍ବୁ ତରନାନ୍, କେବଲ୍ ବିସ୍ବାସତାନ୍ ସିଲେ ।

୨୫ ଆୟାଞ୍ଜା ଦାରିପାଣିକିନି ରାହାବ ବା ପାଣିଦାନ୍ ଦାମ୍ବୁଦିକାଡ଼ ତରାୟ ଆତାମାର୍‌ହାଡ଼ । ଖାଦ୍ ଇସ୍ରାଏଲିୟତି ତଙ୍ଗାରିଙ୍ଗ୍ ତେବାଦେଙ୍ଗ୍ ବାଡ଼ି ସିତାମାର୍‌ହାଡ଼ ମାରି ଆଇ ଉନ୍‌ଡ଼ି ସାରିଦାନ୍ ସନ୍ଦ୍ରେଙ୍ଗ୍ ସାକା କିତାମାର୍‌ହାଡ଼ ।

୨୬ ଆଦେଙ୍ଗ୍ ଆମାଦିଙ୍ଗ୍ ଡିସ୍‌ସି ମେନ୍‌ଲ୍ ଏଣ୍ଡେସ୍ ସାତିକା, ଆୟାଞ୍ଜା ପାଣିଦିଙ୍ଗ୍ ଡିସ୍‌ସି ବିସ୍ବାସ ବା ସାତିକା ।

୩

ଝେତଲ୍

୧ ଏ ନା ତଡ଼ାନ୍‌କୁ ନି ତାଙ୍ଗିଁକ୍ ମି ଲୋଇ ଝିଜୁଲୋଇ ଗୁରୁର୍ ଆମାଟ୍, ଇରିଙ୍ଗ୍ ମିର୍ ନେସ୍‌ନିଦେର୍ ଜେ, ମା ଝାଜା ସିକିୟା ଗୁରୁର୍ ଆଇଝାରି ବାଦ୍‌ଲୁ ନାଶ୍‌ତାନ୍ କାସ୍‌ଦି ଝାଜା ବିସାର୍ ଆନାର୍ ।

୨ ମାତୁ ଝିଜୁଲୋଇ ଗାଦି ଦେବେଙ୍ଗ୍ ବୁଲ୍ କିନିମାନିକା । ଜଦି ଏନ୍ ଝାନି ଝାରଗିଜିସାଜିମାନୁ ମୁଡ଼ବୁକ ପାପ୍ କିଏନ୍, ଆରତିଙ୍ଗ୍ ଝାନ୍ ନେଗିକାନ୍ ମାରି ନିଜେଦି ମେନ୍‌ଲ୍‌ତିଙ୍ଗ୍ ପୁରା ନେଗେନ୍ ଇଟ୍‌ତାମାନାନ୍ ।

୩ ଗଡ଼ାଦିଙ୍ଗ୍ ତିର୍ କିନି ଉଣ୍ଡିଙ୍ଗ୍ ମାଡ଼ ତାନି ଝେୟୁବୁ ନାସ୍‌ ତରନିକା ମାରି ମା ବଦାଦାନ୍ ତାନିଙ୍ଗ୍ ବୁଲାକିଦେଙ୍ଗ୍ ଆଟ୍‌ନିକା ।

୪ ଉନ୍‌ଡ୍ରୁ ପେରି ଜାହାଜ୍ ବିସୟତାନ୍ ସିନ୍ତା କିଦୁ । ଜାଜ୍ ସାଲାକିନିକାନ୍ ନାଶ୍ ଗାଲି କିଜିମାରିଙ୍ଗ୍‌ବା, ପୁରା ଇସ୍ ମଙ୍ଗ୍ ସାହାଜ୍ୟଦାନ୍ ତାନିଙ୍ଗ୍ ତାଟ୍ କିଜି ବଦାଦାନ୍ ସାଲାକିଜି ଅନାନ୍ ।

୫ ଆୟାଝାଜା ଝେତଲ୍ ଉନ୍‌ଡ୍ରୁ ଇସ୍‌ସିକା ଆତିଙ୍ଗ୍‌ବା ପେରି ପେରି ମାଟେଙ୍ଗ୍ ଇନ୍‌ଞ୍ଜି ଗର୍ବ କିଦେଙ୍ଗ୍ ଆଟ୍‌ନାଡ଼ । ଅଡ଼ବିଜ ସୁଡ଼ଦୁ, ଏଣ୍ଡେସ୍ ସିସୁଡ଼ିବୁ ଇସ୍‌ସିକା ଆତିଙ୍ଗ୍‌ବା ଏସ୍ ପେରି ବନ୍‌ତିଙ୍ଗ୍ ସିସୁ କାସିସ୍ କିନାଡ଼ ।

୬ ଝେତଲ୍ ବା ସିସୁ ଝାଜା; ଇୟା ଦୁନିଆଦୁ ନାଶ୍‌ ତାଗ୍‌ଇ ବିସୟତୁ ପୁରାବତ୍; ମାରି ଆକା ମା ମେନ୍‌ଲ୍ ଲଇ ମାନିଙ୍ଗ୍ ତାଗ୍‌ଇ ମାଟେଙ୍ଗ୍ ଝେର୍‌ସି ମା ଝିଜୁ ମେନ୍‌ଲ୍‌ତିଙ୍ଗ୍ ମାଇସ୍ କିନାଡ଼ । ଝେତଲ୍‌ତି ନରକ୍‌ସିସୁବୁ ମା ଝିଜୁଦିନ୍‌ତି ଜିବନ୍ ଝେପିସ୍ କିନାଡ଼ ।

୭ ଲୋକ୍ ଝିଜୁ ବନ୍‌ତି ଜାଡୁ, ପଟିଙ୍ଗ୍, ଉଜ୍‌ଜି ବୁଲାନିକେଙ୍ଗ୍ ମାରି ଏର୍‌ତୁମାନି ଜିବନ୍‌ମାନିକେଙ୍ଗ୍ ଡେବାକିଦେଙ୍ଗ୍ ଆଟ୍‌ତାମାନାଡ଼ ।

୮ ମାତର ଏନ୍ ଏସ୍‌କାଙ୍ଗ୍ ଝେତଲ୍‌ତିଙ୍ଗ୍ ତିର୍ କିଦେଙ୍ଗ୍ ଆଟ୍‌ଏନ୍ । ଆକା ସଡ଼ସିଲିକା ମାରି ଇଡ଼ଦେଙ୍ଗ୍ ଆଟ୍‌ଏର୍; ସାନିନାନି ଝିସାମ୍‌ତୁ ପୁରାବତ୍ ।

୯ ମାତୁ ଝେତଲ୍‌ତାନ୍ ପ୍ରବୁ ବୁବା ମାପୁରୁଙ୍ଗ୍ ଦନ୍‌ସବାଦ୍ ସିନାପ୍ । ମାରି ଇୟା ଝେତଲ୍‌ତାନ୍ ମାପୁରୁଦି ରୁପ୍‌ତାନ୍ ତିଆରୁଆତି ଲୋକ୍‌ତିଙ୍ଗ୍ ଆନାଦୁରିଆ ବା ସିନିକା ।

୧୦ ଆୟା ଉନ୍ତୁ ଖେୟୁଦାନ୍ ଦନ୍ୟବାଦ୍ ମାରି ଆନାଦୁରିଆ ସନାଡ୍ । ଏ ନା ତଡ଼ାନ୍କୁ ନି ତାଙ୍ଗି କି, ଇୟାଞ୍ଜା ଆନିକା ନେକ୍କା ସିଲେଡ୍ ।

୧୧ ଉନ୍ତୁ ଜଲାଦାନ୍ ସାଞ୍ଜି ନି ସାପରା ଏରୁ ସତେଙ୍ଗ୍ ଆବ୍ନେ ନୋ ?

୧୨ ଏ ନା ତଡ଼ାନ୍କୁ ନି ତାଙ୍ଗି କି, ତଗା ମାରାନ୍ତୁ ଇନିକା ଜିତ ପଲ୍ ଆସନାଡ୍ ? ଅଙ୍ଗୁର୍ ତିଞ୍ଜାଦୁ ଇନିକା ତଗା ଆସନାଡ୍ ? ଆୟାଞ୍ଜା କାରିୟା ଏରୁ ସନି ଜଲାଦାନ୍ ସାଞ୍ଜି ଏରୁ ସୋଡ ।

ମୁସକୁପୁରତାନ୍ ଖାତିମାନି ବୁଦି

୧୩ ମି ଲଇ ଏନ୍ ଇନିକା ଜାନି ନି ବୁଦିମାନିକାନ୍ ଏନ୍ ମାନାନ୍ ? ଖାନ୍ ବୁଦିମାନିକାନ୍ ମାରି ସାନ୍ତିଦି ଖାଲେ ସଡ଼ପାଣି କିଜି ଖାନି ଜିବନ୍ତୁ ଇୟାତାନି ପାରମାଣ୍ ସିପିନ୍ ।

୧୪ ମାତର୍ ଜଦି ମି ଜିବନ୍ତୁ ରିସା, ଆକାର୍ ମାରି ଦାରା ଖାଜା ମାନାଡ୍, ନିଜେଦି ବୁଦି ମାରି ଜାନି ଉଣ୍ଡିଙ୍ଗ୍ ଗର୍ବ କିଜି ସଡ଼ତି ବିରୁଦ୍ଧାନ୍ ଗର୍ବ କିମାଟ୍ । ମିଟ୍ ଖେର୍ମାଟ୍ ।

୧୫ ଇୟାଞ୍ଜା ବୁଦି ମାପୁରୁଦି ମାଡାନ୍ ରେଏଡ୍; ଆକା ଦୁନିଆଦିକା, ମେନ୍ଦଲ୍ତିକା, ତାଗ୍‌ଇ ମାଣାନ୍ ଆନାଡ୍ ।

୧୬ ଆମାମାନ୍ ରିସା ମାରି ଆକାର୍, ଆବେନ୍ ସାନ୍ତିସିଲେଡ୍ ମାରି ଖିଜୁ ରକମ୍‌ତି ତାଗ୍‌ଇପାଣି ମାନାଡ୍ ।

୧୭ ମାତର୍ ମୁସକୁରାନ୍ ଖାନି ବୁଦି ଆଗ୍‌ତି, ପବିତ୍ର; ଆକାବା ସାନ୍ତି ସିନାଡ୍, କାର୍ମୁ ମାରି ସଙ୍ଗ୍ ଆନିକା । ଆକା ସଡ଼ପାଣିଦୁ ପୁରାବର୍ତ୍ତ ମାରି ନାଶୁଦାନ୍ ସଡ଼ପାଣିଦୁ ପଲ୍ ଆସିସ୍ କିନାଡ୍; ଆକା ଖିଜୁ ଲୋକାଙ୍ଗ୍ ସାନ୍ତି ମାରି ବାଣ୍ଡିସ୍ କିଏଡ୍ ।

୧୮ ସାନ୍ତି ତିଆରକିତିମାନି ଲୋକା ମାଣୁକୁ ଖିତାତି ମାନି ଖିତୁଦାନ୍ ଦାର୍ମୁଦିନାନି ପାସି ଆସନାଡ୍ ।

୪

ଦୁନିଆଦି ଖାଲେ ସଙ୍ଗ୍‌ଆନିକା

୧ ମି ଲୋଇ ଜୁଦ୍ ନି ଲାଗାଜିସାନିକା ଏୟା ଆନାଡ୍ ? ମି ମେନ୍ଦଲ୍ତୁ କାସ୍‌ତିମାନି ସୁକ୍‌ଦୁକ୍‌ତିପାଣି ନେ ଇୟାତାନି ବିସୟ୍ ।

୨ ଇରିଙ୍ଗ୍ ମିର୍ ଆମାକା ପୟ୍‌ଦେଙ୍ଗ୍ ବଦା କିଜିନିଦେର୍, ଆକା ପୟ୍‌ଦେଙ୍ଗ୍ ଆର୍‌ଏତିଙ୍ଗ୍, ସାୟାମାରଗାଡାକ୍‌ଡେଙ୍ଗ୍ ଅଡ୍‌ବିଜିନିଦେର୍ । ଆମାକା ପୟ୍‌ଦେଙ୍ଗ୍ ମିର୍ ନାଣୁ ଆସା ଆନିଦେର୍, ଆକା ପୟ୍‌ଏତିଙ୍ଗ୍ ଲାଗାଜିସାନିକା ମାରି ଜୁଦ୍ କିନିଦେର୍ । ମି ବଦାକିତି ବିସୟ୍ ପୟ୍‌ଇ କାରଣ୍ ଆଜିନାଡ୍, ମିର୍ ମାପୁରୁଙ୍ଗ୍ ଲସ୍‌ଇମାନିଦେର୍ ।

୩ ମାରି, ଲସ୍‌ତିଙ୍ଗ୍ ବା ପୟ୍‌ଇ କାରଣ୍ ଆଜିନାଡ୍, ମି ଲସ୍‌ନିକା ସଡ୍‌ସିଲେଡ୍ । ମିର୍ ନିଜେ ନିଜେଦି ସୁକ୍‌ଦୁଃକ୍ ପୟ୍‌ନି ଉଣ୍ଡିଙ୍ଗ୍ ଲସ୍‌ନିମାନିଦେର୍ ।

୪ ଏ ବିସ୍‌ବାସ୍‌ତୁ ବିସ୍‌ ସିନି ଲୋକୁ ! ମିର୍ ଇନିକା ନେସ୍‌ଇଦେର୍, ଦୁନିଆ ମାପୁରୁଦି ଉଣ୍ଡିଙ୍ଗ୍ ସାଡୁଆନାଡ୍ ? ଏନ୍ ଇୟା ଦୁନିଆଦି ଖାଲେ ସଙ୍ଗ୍ ଆଦେଙ୍ଗ୍ ବଦା କିନାନ୍; ଖାନ୍ ମାପୁରୁଦି ସାଡୁ ।

୫ ଦାମ୍‌ସାସ୍‌ଦି ଇୟା ବାକ୍‌ଦୁ ଇନିକା ସଡ୍‌ସିଲେଡ୍ ଇଜି ଅଡ୍‌ବିଜିନିଦେର୍, “ମାପୁରୁ ମାମାନୁ ଆମା ଆମା ସିତା ମାନାନ୍, ତାନିଙ୍ଗ୍ ପୁରାଞ୍ଜି ଅଦିକାର୍ କିନି ଉଣ୍ଡିଙ୍ଗ୍ ଖାନ୍ ରାଜି ।”

୬ ମାତର୍ ମାପୁରୁ ଆମା ଦୟା ସିନାନ୍, ଆକା ନାଣୁ ସାକ୍ତି । ସାସ୍‌ତୁ ରାସ୍‌ତାମାନାଡ୍, “ମାପୁରୁ ଆକାର୍‌ଆନିଲୋକାଙ୍ଗ୍ ବିରୁଦ୍ କିନାନ୍, ମାତର୍ ସାକ୍ତି ଲୋକାଙ୍ଗ୍ ଦୟା ସିନାନ୍ ।”

୭ ମାରି, ମାପୁରୁଦି ଲାକ୍‌ତୁ ନିଜେଦିଙ୍ଗ୍ ସର୍‌ପେ ଆଦୁ । ସୟ୍‌ତାନତିଙ୍ଗ୍ ଜୁଦ୍ କିଦୁ । ଆର୍‌ତିଙ୍ଗ୍, ଖାଦ୍ ମି ଲାକ୍‌ତୁରାନ୍ ଉରୁକ୍‌ନାଡ୍ ।

୮ ମାପୁରୁଦି ଲାକ୍‌ତୁ ରାଦୁ, ମାରି ଖାନ୍ ମି ଲାକ୍‌ତୁ ଖାନାନ୍ । ଏ ପାପି ଲୋକୁ, ମି କିକୁ ନର୍‌ଦୁ, ଏ ରିୟାଙ୍ଗ୍‌ଆନି ଲୋକୁ, ମି ଜିବନ୍ ନେଗେନ୍ କିଦୁ,

୯ ଅଡ୍‌ବିଦୁ ମାରି ଦୁଃକ୍ ଆଜି ଆଡ୍‌ବାଦୁ; ମି ସିକ୍‌ନିକା ଦୁକ୍‌ତୁ ମିସାପିଡ୍; ମି ଖେଡ୍‌କି ନିରାସ୍‌ତୁ ମିସାପିଡ୍ ।

୧୦ ପ୍ରବୁଦି ଆଗ୍‌ଡି ନିଜେ ନିଜେଦିଙ୍ଗ୍ ଇସ୍‌କା ଆଦୁ, ଆର୍‌ତିଙ୍ଗ୍ ଖାନ୍ ମିଙ୍ଗ୍ ମୁସ୍‌କୁ ପେରନାନ୍ ।

ଆଇଖାନି ବିଚାର୍ କିମାଟ୍

୧୧ ଏ ତଡ୍‌ନକୁ ନି ତାଙ୍ଗ୍‌କି, ନିଜେନିଜେଦିଙ୍ଗ୍ ବିସ୍‌ୟ୍‌ତାନ୍ ଖାର୍‌ଗିଜିସାମାଟ୍ । ବିସ୍‌ବାସ୍‌ତି ତଡ୍‌ନତିଙ୍ଗ୍ ବିସାର୍ କିଜି ଏନ୍ ଖାନି

ବିରୁଦ୍ଧ କିନାନ୍, ଖାନ୍ ନିୟମ୍ତି ବିସାର୍ ମାରି ବିରୁଦ୍ଧ କିନାନ୍ ।
ମିର୍ ଜଦି ନିୟମ୍ତି ବିସାର୍ କିନିଦେର୍, ଆର୍ଡିଙ୍ଗ୍ ମିର୍ ଆକା
ମାନାଈଜିନିଦେର୍, ମାରି ତାନି ବିସାର୍କିନିଲୋକ୍ ଆଜିନିଦେର୍ ।

୧୭ ମାପୁରୁ ନେ ନିୟମ୍ତି ମାରି ବିସାର୍କିନିକାନ୍ । କେବଲ୍ ଖାନ୍
ରକିୟା କିଦେଙ୍ଗ୍ ଆଟ୍‌ନାନ୍, ମାରି ସାପିସ୍ କିଦେଙ୍ଗ୍ ଆଟ୍‌ନାନ୍,
ଆୟାଉଣ୍ଡିଙ୍ଗ୍ ଲାକ୍‌ତୁରି ଲୋକାଙ୍ଗ୍ ବିସାର୍ କିଜିନିଦେର୍ ଜେ ମିର୍
ଏଇଦେର୍ ?

ଗାର୍ବୁ କିନି ବିରୁଦ୍ଧତାନ୍ ଜାଗାର୍ତା

୧୩ ଇଲେଇ ଝେନ୍‌ଡୁ, ଆମାକାର୍ ଝେର୍‌ସିନାର୍, “ନେରୁ ସିଲ୍‌ତିଙ୍ଗ୍
ଝିଗେ ମାପ୍ ଆୟା ଗାଡୁଡୁ ସନାପ୍ ମାରି ଆବେନ୍‌ ଉନ୍‌ଡୁ ବାର୍‌ସେକ୍ ସାନ୍
ତେବାଜି ବେପାର୍ କିଜି ନାଶ୍ ତାରୁଙ୍ଗ୍ ଉଣ୍ଡା କିନାପ୍ ।”

୧୪ ମାତର୍ ଝିଗେରିଙ୍ଗ୍ ମି ଜିବନ୍‌ତୁ ଇନିକା ଗଟାଆନାଡ୍, ଆକା ମିର୍
ନେସ୍‌ଇଦେର୍ ! ମି ଜିବନ୍‌ ଦୁରି ଖାଜା, ସାଣେକ୍‌ତିଙ୍ଗ୍ ତରାୟ୍‌ଆଜି
ମାରିସାଣେକ୍‌ତିଙ୍ଗ୍ ତରାୟ୍‌ଆଏଡ୍ ।

୧୫ ଆଦେଙ୍ଗ୍ ମିର୍ ଝେର୍‌ନିକା ମାନାଡ୍, “ପ୍ରୁଦି ବଦା ଆତିଙ୍ଗ୍, ମାପ୍
ଜିବନ୍‌ ମାନ୍‌ଞ୍ଜି ଇକା କିନାପ୍ ମାରି ଆକା କିନାପ୍ ।”

୧୬ ମାତର୍ ଇଲେଇ ମିର୍ ଆକାର୍ ଆଜି ଗର୍ବ କିଜିନିଦେର୍;
ଇୟାଖାଜା ଗର୍ବ ତାଗ୍‌ଇକା ଆନାଡ୍ ।

୧୭ ମନେ ଇଡୁଦୁ, ଆମା ଲୋକ୍ ଇନି ସଡ଼ପାଣି କିନିକା ମାନାଡ୍ ଇଜି
ନେସ୍‌ସି ବା ଆକା କିଏନ୍, ଖାନ୍ ପାପ୍ କିନାନ୍ ।



ମାଜନଲୋକ୍ ଉଣ୍ଡିଙ୍ଗ୍ ଜାଗରାତାମାଟା

୧ ଏ ମାଜନ୍ ଲୋକ୍, ନା ମାଟା ଝେନ୍‌ଡୁ । ମି ଆମା କାସ୍‌ ଆଦେଙ୍ଗ୍
ସୋଲ୍‌ସିନାଡ୍, ଆୟାଉଣ୍ଡିଙ୍ଗ୍ ଆଡ୍‌ବାଦୁ ମାରି ଦୁଃକ୍ କିଦୁ ।

୨ ☆ମି ଦନ୍ ଝିଜିତାଡ୍‌ନି, ମାରି ମି ଝାତିଗନ୍‌ ସେବା ତିରାଡ୍‌ନି ।

୩ ମାରି ମି ବାଙ୍ଗାଁରାମ୍ ମାରି ଝେଣ୍ଡିଦୁ କିଟିଙ୍ଗ୍ ଆସ୍‌ତାଡ୍‌ନି ମାରି
ଇୟା କିଟିଙ୍ଗ୍ ମି ବିରୁଦ୍ଧତାନ୍ ସାକି ସିନାଡ୍, ମାରି ମି ମେନ୍‌ଲ୍‌ତିଙ୍ଗ୍

ସିସୁଞ୍ଜାଜା ତିନାଡ଼ । ଇୟା ଝିନ୍ନିଦିନ୍‌ତୁ ମିର୍ ଦନ୍ ଉଣ୍ଡା କିଜିନିଦେର୍ ।

୪ ଝେନ୍‌ତୁ, ମି କିଡ଼ିଇତୁ ପାଣି କିଜିମାନି ପାଣିକିନିଞ୍ଜାରିଙ୍ଗ୍ ବୁଡ଼ି ସିଇଦେର୍ । ଝାରି ମାଟା ଝେନ୍‌ତୁ । ପାସି କୟ୍‌ନିଞ୍ଜାରି ମାଟା ସାକ୍ତିମାନ୍ ପ୍ରବୁ ମାପୁରୁ ଝେର୍‌ଆ ମାନାନ୍ ।

୫ ଇୟା ଦୁନିଆପୁ ମି ଜିବନ୍ ସୁକ୍ ମାରି ଝେଡ଼ିକାଦାନ୍ ଦିନ୍‌କାଟେକିଜିନିଦେର୍ । ସାନିଦିନ୍‌ତି ଉଣ୍ଡିଙ୍ଗ୍ ମିର୍ ମଟାରଟା ଆତିମାନିଦେର୍ ।

୬ ମିର୍ ଦସ୍ ସିଲି ଲୋକାଙ୍ଗ୍ ଦସ୍ ଆସ୍‌ସି ସାୟାମାରଗାତାକ୍ତିମାନିଦେର୍; ଝାର୍ ମିଙ୍ଗ୍ ବିରୁଦ୍ କିଦେଙ୍ଗ୍ ଆର୍‌ଏତାର୍ ।

ସାସ୍ ଆସ୍‌ସି ପାର୍‌ତାନା କିଦୁ

୭ ମାରି, ଏ ତଡ଼ାନ୍‌କୁ ନି ତାଙ୍ଗ୍‌କି, ପ୍ରବୁଦି ଝାନିଦିନ୍ ସାୟି ସାସ୍ ଆସ୍‌ସି ତେବାଦୁ । ସୁଡ଼ୁ, ଚାସ୍‌ପାଣିକିନିକାନ୍ ଏଣ୍ଡେସ୍ ଝାନି ଡିଡ଼ିଦୁ ନାଣ୍ଡ ପାସି ପୟ୍‌ନି ଉଣ୍ଡିଙ୍ଗ୍ ସାସ୍ ଆସ୍‌ସି ପାର୍‌ତୁମ୍‌ତି ନି ସାରାସାରିଦି ପିରୁଦିଙ୍ଗ୍ କାପ୍‌କିନାନ୍ ।

୮ ଆୟାଞ୍ଜା, ମି ଜିବନ୍‌ତିଙ୍ଗ୍ ବା ସାସ୍ ଆସ୍‌ସି କାପ୍‌କିଦୁ । ମି ଆସା ଡାବ୍ ମାନିଡ଼, ଇରିଙ୍ଗ୍ ପ୍ରବୁଦି ଝାନିଦିନ୍ ଲାକ୍‌ତୁ ଝାତାଡ଼ିନି ।

୯ ଏ ତଡ଼ାନ୍‌କୁ ନି ତାଙ୍ଗ୍‌କି, ନିଜେନିଜେଦିମାନ୍ ଦୋସ୍ ଆସ୍‌ସିସାମାଟ୍, ଆର୍‌ତିଙ୍ଗ୍ ମାପୁରୁ ମି ବିସାର୍ କିଏନ୍ । ସୁଡ଼ୁ ! ପେରିବିସାର୍‌କିନିକାନ୍ ସେର୍‌ଲା ଲାକ୍‌ତୁ ନିର୍‌ଆମାନାନ୍ ।

୧୦ ଏ ତଡ଼ାନ୍‌କୁ ନି ତାଙ୍ଗ୍‌କି, ଆମା ବାବବାଦିରି ପ୍ରବୁଦି ଦର୍‌ତାନ୍ ମାଟା ସିତାମାର୍‌ହାର୍, ଝାରିଙ୍ଗ୍ ଏଡ଼ କିଦୁ ।

୧୧ ଦୁଃକ୍‌କାସ୍‌ ସମୟ୍‌ତୁ ସାସ୍ ନି ସାକା ଆନି ଉଣ୍ଡିଙ୍ଗ୍ ଝାର୍ ମି ଲାକ୍‌ତୁ ମାନିର୍ । ଝାରି ସାସ୍ ଉଣ୍ଡିଙ୍ଗ୍ ମାପ୍ ଝାରିଙ୍ଗ୍ ଦନ୍‌ଏ ଇଜି ଝେର୍‌ସିନାପ୍ । ମିର୍ ଆୟୁବଦି ସାସ୍ ବିସୟ୍ ଝେର୍‌ଇମାନିଦେର୍ ମାରି ସାରାସାରିଝେନ୍‌କା ପ୍ରବୁ ଏଣ୍ଡେସ୍ ଝାନିଙ୍ଗ୍ ଆସିର୍‌ବାଦ୍ କିତାମାର୍‌ହାନ୍, ଆକା ନେସ୍‌ତିମାନିଦେର୍ । ଇରିଙ୍ଗ୍ ପ୍ରବୁଦି ଦୟା ମାରି କାର୍‌ମୁଦୁ ବର୍‌ ।

୧୨ ☆ଏ ନା ତଡ଼ାନକୁ ନି ତାଙ୍ଗୁଁକି, ପାରମାଣ୍ କିନିଝାଲେ ମୁସକୁପୁର ନୋ ଦୁନିଆ ନୋ ଆଇ ଇନି ବିସୟ ଅସି ପାରମାଣ୍ କିମାଟ୍ । ମି “ହୁଁ” ମାଟା “ହୁଁ” ଆପିଡ୍, “ସିଲେ” ମାଟା “ସିଲେଣ୍” ଆପିଡ୍ । ଆର୍ଡିଙ୍ ମିର୍ ବିସାରତୁ ଦଣ୍ଡ ପୟଇଦେର୍ ।

୧୩ ମି ଲୋଇରାନ୍ ଏନ୍ ଇନିକା ଦୁଃକକାସୁ ପୟଜିନାନ୍ ? ଝାନ୍ ପାରତାନା କିପିନ୍ । ଏନ୍ ଇନିକା ଝେଡିକା କିଜିନାନ୍ ? ଝାନ୍ ପ୍ରସଂସାଦି ପାଟା ପାରିନ୍ ।

୧୪ ☆ମି ଲଇ ଏନ୍ ଇନିକା ନବ୍ ? ଝାନ୍ ମଣ୍ଡଲିଦି ନେତାରିଙ୍ କୁକିନ୍; ଝାନ୍ ପ୍ରବୁଦି ଦରତାନ୍ ନିୟୁ ଉସସି ଆୟା ଉଣ୍ଡିଙ୍ ପାରତାନା କିପିର୍ ।

୧୫ ଇୟାଝାଜା ବିସବାସତୁମାନି ପାରତାନାଦାନ୍ ରଗ୍ଡିଝାନିଙ୍ ନେଗେନ୍ କିନାଟ୍ । ପ୍ରବୁ ଝାନିଙ୍ ନେଗେନ୍ କିନାନ୍ ମାରି ଜଦି ଝାନ୍ ପାପ୍ କିନାମାନାନ୍, ଆର୍ଡିଙ୍ ଝାନିଙ୍ କେମା ସିଆୟଆନାଟ୍ ।

୧୬ ମାରି, ନିଜେନିଜେଦି ମାନୁ ନିଜେ ନିଜେଦି ପାପ୍ ମାନାଦୁ, ମାରି ନେଗେନ୍ ଆନି ଉଣ୍ଡିଙ୍ ନିଜେନିଜେଦି ଉଣ୍ଡିଙ୍ ପାରତାନା କିଦୁ । ଦାର୍ମୁଦି ଲୋକ୍ତି ପାରତାନା ନାଣୁ ପାଣି ପୁରା କିଦେଙ୍ ଆଟ୍ନାଟ୍ ।

୧୭ ଏଲିୟ ମା ଝାଜା ସୁକ୍ଦୁଃକ୍ତି ଲୋକ୍ ମାର୍ହାନ୍ । ପିରୁ ଆମାକିତି ଇଜି ଝାନ୍ ଉନ୍ତ୍ରୁ ମୋନ୍ତାନ୍ ପାରତାନା କିତାମାର୍ହାନ୍, ମାରି ତିନି ବାସେକ୍ ସଗୋଟା ଲେଜକୁ ସାନ୍ଦି ଦୁନିଆଦୁ ପିରୁ ଆସତାଟ୍ ।

୧୮ ଝାନ୍ ମାରିଡେସି ପାରତାନା କିତାନ୍, ମାରି ବାଦଡତାନ୍ ପିରୁ ଆତାଟ୍ ମାରି ବୁମିଦୁ ମାରିଡେସି ପାସି ଆସତାଟ୍ ।

୧୯ ଏ ନା ତଡ଼ାନକୁ ନି ତାଙ୍ଗୁଁକି, ମି ଲୋଇରାନ୍ ଏନ୍ ଜଦି ସଡ୍ ସାରିଦାନ୍ ବାଣାନାନ୍ ମାରି ଆଇକାନ୍ ଅରେନ୍ ଝାନିଙ୍ ସଡ୍ସାରିଦୁ ଡେସି ତାନାନ୍,

୨୦ ☆ଆର୍ଡିଙ୍ ମନ୍ଦୁଇଡ୍ଦୁ ଏନ୍ ତାଗଇସାରିଦାନ୍ ପାପ୍ଲୋକ୍ତିଙ୍ ଡେସି ତାନାନ୍, ଝାନ୍ ଆୟା ପାପି ଲୋକ୍ତି ଆମାଦିଙ୍ ସାନିମାଣ୍ଡୁ ରକିୟା କିନାନ୍ ମାରି ଝାନି ନିଜେଦି ନାଣୁ ପାପ୍ କେମା ଆନାଟ୍ ।

ମାପୁରୁଦି ସବ୍ ବାକ୍ୟ

The New Testament in the Konda Porja Lanugage of India. Konda-Dora: ମାପୁରୁଦି ସବ୍ ବାକ୍ୟ (Bible)

copyright © 2020 The Word for the World International and Konda Porja Translation Samithi, Dasamanthpur, Odisha

Language: Konda Porja (Konda-Dora)

Contributor: The Word for the World South Asia

ମାପୁରୁଦି ସବ୍ ବାକ୍ୟ

ପୁନି ନିୟମ, 2020

The New Testament in Konda Porja Language

The Word for the World International

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-05-07

PDF generated using Haiola and XeLaTeX on 6 May 2025 from source files dated 7 May 2025

506ae627-08e2-556a-b39e-5315f886d95a